

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренцијски савјет*

**ZAKLJUČAK**  
**o odbacivanju**  
**Prijave koncentracije privrednog subjekta Carmeuse Eastern Europe B.V., Kraljevina**  
**Nizozemska**

**Sarajevo**  
**maj 2012. godine**



Broj: 06-26-1-02-11-II/12  
Sarajevo, 25. maj 2012. godine

Na osnovu člana 25. stav (1) tačka e), člana 42. stav (2), a u vezi s čl. 12. i 14. Zakona o konkurenciji («Službeni glasnik BiH», br. 48/05, 76/07 i 80/09), a rješavajući po Prijavi koncentracije privrednog subjekta Carmeuse Eastern Europe B.V., Nijverheidsstraat 32, 2802 AL, Gouda, Kraljevina Nizozemska, zaprimljenoj dana 19. aprila 2012. godine pod brojem: 06-26-1-02-II/12, Konkurencijsko vijeće Bosne i Hercegovine na 36. (tridesetšestoj) sjednici održanoj dana 25. maja 2012. godine, donijelo je

### **ZAKLJUČAK**

1. Odbacuje se Prijava koncentracije privrednog subjekta Carmeuse Eastern Europe B.V., Nijverheidsstraat 32, 2802 AL, Gouda, Kraljevina Nizozemska, privrednog subjekta Fabrika kreča Carmeuse Integral akcionarsko društvo za proizvodnju i promet kreča Doboj, Ševarlije bb, 74000 Doboj, i privrednog subjekta Rudnik krečnjaka Integral Carmeuse akcionarsko društvo Doboj, za vađenje, drobljenje, lomljenje i promet krečnjaka, Ševarlije bb, 74000 Doboj, radi nepostojanja obaveze prijave, u smislu odredbi Zakona o konkurenciji.
2. Ovaj Zaključak bit će objavljen u «Službenom glasniku BiH», službenim glasilima entiteta i Brčko distrikta Bosne i Hercegovine.

### **O b r a z l o ž e n j e**

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo Prijavu koncentracije (u daljem tekstu: Prijava), pod brojem: 06-26-1-02-II/12 dana 19. aprila 2012. godine, privrednog subjekta Carmeuse Eastern Europe B.V., Nijverheidsstraat 32, 2802 AL, Gouda, Kraljevina Nizozemska (u daljem tekstu: Podnosilac prijave ili Carmeuse Eastern Europe), putem opunomoćenika privrednog subjekta „Monet broker” a.d. Banja Luka, Kralja Petra I Karadorđevića 139, 78000 Banja Luka (po punomoći izdatoj dana 12. marta 2012. godine), u kojoj je navedeno da privredni subjekt Carmeuse Eastern Europe (zajedno s povezanim društvom – privrednim subjektom Bohemian Lime B.V Nijverheidsstraat 32, 2802 AL, Gouda, Kraljevina Nizozemska - u daljem tekstu: Bohemian Lime) stiče većinski udio u osnovnom kapitalu privrednog subjekta Fabrika kreča Carmeuse Integral akcionarsko društvo za proizvodnju i promet kreča Doboj, Ševarlije bb, 74000 Doboj (u daljem tekstu: Fabrika kreča Doboj), i privrednom subjektu Rudnik krečnjaka Integral Carmeuse akcionarsko društvo Doboj, za vađenje, drobljenje, lomljenje i promet krečnjaka, Ševarlije bb, 74000 Doboj (u daljem tekstu: Rudnik krečnjaka Doboj).

Uvidom u podnesenu Prijavu, Konkurencijsko vijeće je utvrdilo da ista nije kompletna, u smislu člana 30. Zakona o konkurenciji (u daljem tekstu: Zakon) i čl. 9. i 11. Odluke o načinu podnošenja prijave i kriterijima za ocjenu koncentracije privrednih subjekta («Službeni glasnik BiH», broj 30/10). te je zatražilo dopunu iste, u skladu s članom 31. Zakona, aktom broj: 06-26-1-02-1-II/12 dana 20. aprila 2012. godine.

Podnosilac prijave je dostavio dio tražene dokumentacije, podneskom broj: 06-26-1-02-2-II/12 dana 27. aprila 2012. godine, i podnio zahtjev za produženje roka za kompletiranje Prijave, u smislu člana 31. stav (2) Zakona, koji je Konkurencijsko vijeće razmotrilo i odobrilo dodatnih petnaest dana, aktom broj: 06-26-1-02-3-II/12 dana 27. aprila 2012. godine, u smislu člana 31. stav (2) Zakona.

Podnosilac prijave u odobrenom roku je dostavio dio tražene dokumentacije, podneskom broj: 06-26-1-02-4-II/12 dana 11. maja 2012. godine, te podnio novi zahtjev za produženje roka za kompletiranje Prijave, koji je Konkurencijsko vijeće razmotrilo i odobrilo dodatnih osam dana, aktom broj: 06-26-1-02-5-II/12 dana 11. maja 2012. godine.

Podnosilac prijave u odobrenom roku je dostavio svu traženu dokumentaciju, podneskom broj: 06-26-1-02-6-II/12 dana 16. maja 2012. godine, podneskom broj: 06-26-1-02-7-II/12 dana 21. maja 2012. godine i podneskom broj: 06-26-1-02-8-II/12 dana 21. maja 2012. godine, te je Konkurencijsko vijeće utvrdilo Prijavu kompletnom i izdalo Potvrdu o prijemu kompletne i uredne Prijave, u skladu s članom 30. stav (3) Zakon, aktom broj: 06-26-1-02-9-II/12 dana 22. maja 2012. godine.

Konkurencijsko vijeće u postupku ocjene dopuštenosti predmetne koncentracije je utvrdilo slijedeće činjenice:

Predmetna Prijava je podnesena pravovremeno u skladu sa članom 16. stav (1) Zakona.

## **1. Učesnici koncentracije**

Prema podacima iz Prijave učesnici predmetne koncentracije su privredni subjekt Carmeuse Eastern Europe B.V., Nijverheidsstraat 32, 2802 AL, Gouda, Kraljevina Nizozemska, privredni subjekt Bohemian Lime B.V., Nijverheidsstraat 32, 2802 AL, Gouda, Kraljevina Nizozemske, privredni subjekt Fabrika kreča Carmeuse Integral akcionarsko društvo za proizvodnju i promet kreča Doboj, Ševarlije bb, 74000 Doboj, i privredni subjekt Rudnik krečnjaka Integral Carmeuse akcionarsko društvo Doboj, za vađenje, drobljenje, lomljenje i promet krečnjaka, Ševarlije bb, 74000 Doboj.

U Prijavi je navedeno da se ista odnosi na dvije koncentracije, i to:

- privrednog subjekta Carmeuse Eastern Europe (i povezanog društva Bohemian Lime) i privrednog subjekta Rudnik krečnjaka Doboj;
- privrednog subjekta Carmeuse Eastern Europe (i povezanog društva Bohemian Lime) i privrednog subjekta Fabrika kreča Doboj.

### **1.1. Privredni subjekt Carmeuse Eastern Europe**

Privredni subjekt Carmeuse Eastern Europe B.V., Nijverheidsstraat 32, 2802 AL, Gouda, Kraljevina Nizozemska, je evidentiran u registru Privredne komore Roterdama pod brojem: 18075311 dana 25. augusta 2004. godine (MB 000014796368, JIB 813818886), s 75,0% vlasničkih udjela privrednog subjekta Carmeuse S.A., Rue de Chateau 13 A, Seilles 5300, Kraljevina Belgija i 25,0% vlasničkih udjela privrednog subjekta Carmeuse Holding S.A., Avenue Guillaume 9., L-1651 Luxembourg (u daljem tekstu: Carmeuse Holding), s uplaćenim kapitalom od 46.939,92 KM (EUR 24.000,04).

Privredni subjekt Carmeuse Holding je evidentiran u Registru preduzeća i privrednih subjekta Luksemburga - registarski broj: B 114218 od dana 21. februara 2006. godine.

Pretežna registrovana djelatnost privrednog subjekta Carmeuse Eastern Europe je finansijski holding.

Privredni subjekt Carmeuse Eastern Europe nema povezanih privrednih subjekta u Bosni i Hercegovini, dok privredni subjekt Carmeuse group (kao matična firma) ima, osim navedenog u većinskom vlasništvu povezanog društva privrednog subjekta Bohemian Lime.

### 1.2. Privredni subjekt Bohemian Lime

Privredni subjekt Bohemian Lime B.V. Nijverheidsstraat 32, 2802 AL, Gouda, Kraljevina Nizozemska, evidentiran u Registru Privredne komore Roterdama pod brojem: 17139956 dana 2. novembra 2011. godine (MB 000020019866, JIB 810020237) u vlasništvu je privrednog subjekta Carmeusa S.A. (matična firma - Carmeuse group), Rue de Chateau 13 A, Seilles 5300, Kraljevina Belgija (JIB 431473519), s uplaćenim kapitalom od 12.161.350,94 KM (EUR 6.218.000,00).

Pretežna registrovana djelatnost privrednog subjekta Bohemian Lime je finansijski holding.

Privredni subjekt Bohemian Lime u Bosni i Hercegovini je većinski vlasnik privrednog subjekta Fabrika kreča Doboj s 74.9999954% vlasničkih udjela, dok u privrednom subjektu Rudnik krečnjaka Doboj ima 25,0% vlasničkih udjela.

### 1.3. Privredni subjekt Fabrika kreča Doboj

Privredni subjekt Fabrika kreča Carmeuse Integral akcionarsko društvo za proizvodnju i promet kreča Doboj, Ševarlije bb, 74000 Doboj (skraćena oznaka firme: Fabrika kreča Carmeuse Integral a.d. Doboj), je registriran u Općinskom sudu Doboj pod brojem MBS: 85-01-0214-09 (stari broj: 1-5478-00) (JIB: 440274774009) s upisanim osnovnim kapitalom od 10.847.958,00 KM.

Pretežne registovane djelatnosti privrednog subjekta Fabrike kreča Doboj su vađenje, prerada i promet kreča.

Vlasnička struktura privrednog subjekta Fabrika kreča Doboj prije transakcije na dan 29. marta 2012. godine:

Tabela 1.

R.b	Naziv vlasnika dionica	Vlasnički udio %
1.	<b>Bohemian Lime</b>	<b>74.9999954</b>
2.	Bojić Dragan, Banja Luka	6,3341691
3.	Dubravac Nikola, Banja luka	6,3341598
4.	Stanković Slobodan, Banja Luka	6,3341598
5.	Integra inženjering d.o.o. Banja Luka	1,2881503
6.	Ostali	4,7093656

Izvor: podaci iz Prijave

Vlasnička struktura privrednog subjekta Fabrika kreča Doboj nakon transakcije, na dan 5. aprila 2012. godine:

Tabela 2.

R.b	Naziv vlasnika dionica	Vlasnički udio %
1.	<b>Bohemian Lime</b>	<b>74,9999954</b>

2.	<b>Carmeuse Eastern Europe</b>	<b>20,2590847</b>
3.	Pref a.d. Banja Luka	1,1883158
4.	Ostali	3,5526041
	<b>Ukupno povezana društva (1+2)</b>	<b>95,250801</b>

Izvor: podaci iz Prijave

#### 1.4. Privredni subjekt Rudnik krečnjaka Doboj

Privredni subjekt Rudnik krečnjaka Integral Carmeuse akcionarsko društvo Doboj, za vađenje, drobljenje, lomljenje i promet krečnjaka, Ševarlije bb, 74000 Doboj (skraćena oznaka firme - Rudnik krečnjaka Integral Carmeuse a.d. Doboj), je registrovan u Općinskom sudu Doboj pod brojem MBS: 85-02-0015-09 (stari broj: 1-5477-00) (JIB: 4402748120004) s upisanim osnovnim kapitalom od 5.762.536,00 KM.

Pretežne registrovane djelatnosti privrednog subjekta Rudnik krečnjaka Doboj su vađenje (proizvodnja), prerada i prodaja krečnjaka.

Vlasnička struktura privrednog subjekta Rudnik krečnjaka Doboj prije transakcije, na dan 29. marta 2012. godine:

Tabela 3.

R.b.	Naziv vlasnika dionica	Vlasnički udio %
1.	<b>Bohemian Lime</b>	<b>25,000000</b>
2.	Dubravac Nikola, Banja Luka	21,1744794
3.	Bojić Dragan, Banja Luka	21,1744794
4.	Stanković Slobodan, Banja Luka	21,1744794
5.	Integra Inženjering d.o.o. Banja Luka	2,4960018
6.	Pref a.d. Banja Luka	2,3028403
7.	Ostali	6,6777197

Izvor: podaci iz Prijave

Vlasnička struktura privrednog subjekta Rudnika krečnjaka Doboj nakon transakcije, na dan 5. aprila 2012. godine:

Tabela 4.

R.b.	Naziv vlasnika dionica	Vlasnički udio %
1.	<b>Carmeuse Eastern Europe</b>	<b>65,9593103</b>
2.	<b>Bohemian Lime</b>	<b>25,000000</b>
3.	Pref a.d. Banja Luka	2,3028403
4.	Integral Inženjering a.d. Banja Luka	1,8384093
5.	Fond za restituciju RS a.d. Banja Luka	1,1514201
6.	Ostali	3,7480200
	<b>Ukupno učesnici koncentracije (1+2)</b>	<b>90,9593103</b>

Izvor: podaci iz Prijave

## 2. Obaveza prijave koncentracije

Obaveza prijave koncentracije nastaje, u smislu odredbi člana 14. stav (1) Zakona, kada učesnici koncentracije prodajom roba i/ili usluga ostvare na svjetskom tržištu 100 milijuna KM po završnom računu u godini koja je prethodila koncentraciji, i kada ukupni godišnji prihodi svakog od najmanje dva privredna subjekta učesnika koncentracije ostvareni prodajom roba i /ili usluga na tržištu Bosne i Hercegovine iznose najmanje 8 milijuna KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40,0%.

Ukupni godišnji prihodi učesnika koncentracije (s povezanim privrednim društvima):

Tabela 5.

R.b.	Privredni subjekt	Svijet		Bosna i Hercegovina
		EUR	KM	KM
1.	Fabrika kreča Doboj	-	13.782.175,27	22.863.069,84
2.	Rudnik krečnjaka Doboj	-	-	4.372.505,23
3.	Carmeuse Group /Carmeuse Holding	1.208.400.000,00	2.363.424.972,00	23.956.196,09

Izvor: Podaci iz Prijave

Ukupan prihod privrednog subjekta Carmeuse Group /Carmeuse Holding (uključuje prihode povezanih društava učesnika koncentracije – privrednog subjekta Carmeuse Eastern Europe i privrednog subjekta Bohemian Lime) na svjetskom tržištu u 2011. godini je 2.363.424.972,00 KM, dok ukupan prihod na tržištu Bosne i Hercegovine iznosi 23.956.196,09 KM (uključuje ukupan prihod povezanog društva – privrednog subjekta Fabrika kreča Doboj 22.863.069,84 KM i prihod od 1.093.126,25 KM od privrednog subjekta Rudnik krečnjaka Doboj na osnovu vlasničkog udjela od 25,0%).

Budući da privredni subjekt Rudnik krečnjaka Doboj ima ukupan prihod manji od 8 milijuna KM (ostvario ukupan prihod od 4.372.505,23 KM), učesnici koncentracije (privredni subjekt Carmeuse Eastern Europe, privredni subjekt Bohemian Lime i privredni subjekt Rudnik krečnjaka Doboj) ne ispunjavaju uslov (ostvarenog ukupnog prihoda) za obavezu prijave koncentracije, iz člana 14. stav (1) tačka b) Zakona.

Godišnji prihod predstavlja ukupan prihod (bez poreza na dodanu vrijednost i drugih poreza), u smislu člana 9. tačka h) Odluke o načinu podnošenja prijave i kriterija za ocjenu koncentracija privrednih subjekta.

### 3. Pravni okvir ocjene koncentracije /transakcije

Konkurencijsko vijeće u provedbi postupka ocjene koncentracije je primijenilo odredbe Zakona, Odluke o utvrđivanju relevantnog tržišta («Službeni glasnik BiH», br. 18/06 i 34/10), te Odluke o načinu podnošenja prijave i kriterija za ocjenu koncentracija privrednih subjekta.

Konkurencijsko vijeće u obzir je uzelo i odredbe Zakona o preuzimanju akcionarskih /dioničarskih društava («Službeni glasnik RS», br. 65/08 i 92/09).

Konkurencijsko vijeće je, na osnovu člana 43. stav (7) Zakona, koristilo sudsku praksu Europskog suda i odluke Europske komisije, te primjenilo kriterije i standarde iz Obavijesti Europske komisije o izračunu ukupnog prihoda u skladu sa Odredbom Vijeća (EEZ) broj: 4064/89 o kontroli koncentracije privrednih subjekta.

### 4. Analiza relevantnog tržišta

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda /usluga koji su predmet obavljanja djelatnosti na određenom geografskom tržištu.

Odredba člana 4. Odluke o utvrđivanju relevantnog tržišta, relevantno tržište u proizvodnom smislu obuhvaća sve proizvode i/ili usluge koje potrošači i/ili korisnici smatraju međusobno

zamjenjivim, pod prihvatljivim uslovima, imajući u vidu osobito njihove bitne karakteristike, kvalitet, uobičajnu namjenu, način upotrebe, uslove prodaje i cijene.

Određba člana 5. Odluke o utvrđivanju relevantnog tržišta, relevantno tržište u geografskom smislu obuhvaća cjelokupnu ili dio teritorije Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Konkurencijsko vijeće u namjeravanoj koncentraciji privrednog subjekta Carmeuse Eastern Europe (i povezanog društva Bohemian Lime) i privrednog subjekta Rudnik krečnjaka Doboje je utvrdilo relevantno tržište proizvoda, uzimajući isključivo u obzir kao pretežne registrovane djelatnosti privrednog subjekta Rudnik krečnjaka Doboje proizvodnju, preradu i prodaju krečnjaka.

Budući da privredni subjekt Rudnik krečnjaka Doboje svoje proizvode distribuira (prodaje) na cijeloj teritoriji Bosne i Hercegovine Konkurencijsko vijeće je utvrdilo Bosnu i Hercegovinu kao relevantno geografsko tržište namjeravane koncentracije.

Prema podacima iz Prijave privredni subjekt Rudnik krečnjaka Doboje ima udio od 5,78% na relevantnom tržištu, i isti se neće mijenjati nakon stjecanja kontrole u osnovnom kapitalu privrednog subjekta Carmeuse Eastern Europe (i privrednog subjekta Bohemian Lime) u privrednom učesniku Rudnik krečnjaka Doboje, jer isti nemaju povezanih privrednih subjekata na relevantnom tržištu u Bosni i Hercegovini.

Konkurencijsko vijeće u transakciji privrednog subjekta Carmeuse Eastern Europe (i povezanog društva Bohemian Lime) i privrednog subjekta Fabrika kreča Doboje nije utvrđivalo relevantno tržište (proizvoda i geografsko tržište) jer se ne radi o koncentraciji, u smislu člana 12. stav (1) Zakona.

## **5. Ocjena prijave koncentracije**

Prema podacima iz Prijave predmetna transakcija /koncentracija je provedena dana 4. i 5. aprila 2012. godine na Banjalučkoj burzi kupoprodajom dionica s pravom glasa, na osnovu odredbi Zakona o preuzimanju dioničarskih društava i drugim važećim propisima.

Konkurencijsko vijeće je utvrdilo da se transakcija privrednog subjekta Carmeuse Eastern Europe, privrednog subjekta Bohemian Lime (oba privredna subjekata su povezana društva u sastavu Carmeuse Group) i privrednog subjekta Fabrika kreča Doboje ne smatra koncentracijom, u smislu člana 12. st. (1) i (2) Zakona, budući da privredni subjekt Bohemian Lime već ima kontrolu (od dana 28. marta 2008. godine) nad privrednim subjektom Fabrika kreča Doboje posjedovanjem većinskog udjela od 74.9999954% (Tabela 1.) u osnovnom kapitalu, te se ovom transakcijom samo povećava vlasnički udio povezanih društava /sudionika koncentracije, u sastavu privrednog subjekta Carmeuse Group, u privrednom subjektu Fabrika kreča Doboje (Tabela 2.).

Konkurencijsko vijeće je također utvrdilo da koncentracija privrednog subjekta Carmeuse Eastern Europe, privrednog subjekta Bohemian Lime (oba privredna subjekata su povezana društva u sastavu Carmeuse Group) i privrednog subjekta Rudnik krečnjaka Doboje, ne ispunjava uslove, u smislu člana 14. stav (1) tačka b) Zakona, odnosno nije ispunjen uslov ukupnog godišnjeg prihoda u Bosni i Hercegovini od prodaje roba /usluga od najmanje 8 milijuna KM u godini koja je prethodila koncentraciji - u 2011. godini (ostvaren ukupan prihod 4.372.505,23 KM) (Tabela

5.), niti su ostvarili udio na relevantnom tržištu veći od 40,0%, jer privredni subjekt Rudnik krečnjaka Doboj ima udio na relevantnom tržištu od 5,78% (u godini koja je prethodila koncentraciji - u 2011. godini).

Uzimajući u obzir izneseno Konkurencijsko vijeće je odlučilo kao u dispozitivu ovog Zaključka.

#### **6. Administrativna taksa**

Podnosilac prijave na ovaj Zaključak, u skladu s članom 2. stav (1) tarifni broj 108. tačka c) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», broj 30/06) je dužan platiti administrativnu taksu u iznosu od 1.000,00 KM u korist Budžeta institucija Bosne i Hercegovine.

#### **7. Pouka o pravnom lijeku**

Protiv ovoga Zaključka nije dozvoljena žalba.

Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovoga Zaključka.

**Predsjednik**

**Ibrica Lakišić**